

拾遺志

知州林希元輯

拾遺者諸類無所附而獨拾之也若詩若文凡有關於政體者始收

詩

望安南海口二首

陶弼 宋知州

喜逢晴日破陰霾望極西南瘴海涯夷狄古今常反覆朝廷終始務綏懷何時良將收銅柱不日羸王棄膏街惆悵藤橋兵死鬼年年沙上哭

欽州志拾遺

墳骸

使君合浦來示我海濱石千巖秀掌上大者不盈尺

過靈山述懷

岳霖 宋知州

折腰爲米本憂貧流落天南瘴海濱千里江山空別恨十年萍梗可傷神拊膺但覺丹心壯覽鏡那堪白髮新歸去恩深知感激只慚無德愧斯民

天涯驛路

朱勤 明廉州府知府



天涯有驛枕，遐方南望交州去。路長地接殊方，  
山不斷境連邊塞。草偏黃，來人絡繹無虛日。行  
旅充盈，有裹糧最喜華夷歸。一統共霑，聖化  
樂虞唐。

饒秉鑑 廉州府知府

天涯南去即交州，驛路迢迢阻且脩。落日殊方  
來貢使，春風千里快驂騑。山深迥與人烟隔，地  
僻從教草樹幽。却憶楊朱今不見，多岐誰爲道  
途憂。

欽州志拾遺

二

巡行有感

前人

千里炎荒地，遙臨大海傍。幾年遭世變，何日際  
時康。門戶家家破，田園處處荒。民亡今過半，空  
自嘆穹蒼。

天順壬午秋七月安撫至欽州

前人

宦寓天涯久，兵戈已厭聞。平戎豈無策，安蜀定  
何人。謾惜丹心壯，寧知白髮新。惟應賦歸去，詩  
酒樂餘春。



夜宿平銀驛

前人

薄暮入前堤停驂謾自稽空庭雲慘慘花徑草  
萋萋地僻人煙靜林深月影遲夜闌愁不寢欹  
枕聽猿啼

望銅柱有感

前人

迢遞交南去路長望中銅柱覺微茫伏波事業  
今誰繼空倚危亭嘆夕陽  
不見當時馬伏波英雄千古事難磨只今邊境  
多烽警控禦無人可柰何

○欽州志拾遺

三

行部欽州回途值雨

劉烜

驛程侵早發天涯山路崎嶇蛙步移方怪僕夫  
頻告病忽驚匹馬又嘶疲荒渠集水深過頂苦  
雨沾衣濕透肌民事勤勞吾分事敢萌分寸怨  
尤私

過靈山有感

前人

客裏流年如擲梭山心一月兩經過豈傳徼賊  
傾心化閑聽村童擊壤歌禽鳥雨晴翻疊嶂鷄  
豚日落散平坡吏人未解攀轅意怪問沿途載



酒多

至白皮丈田有述

林希元

欽州知州

忙裏偷閑到海濱朝風若為洗襟塵

臨行遇大風

臨

春出郭豈無事自古均租即養民遇雨不妨衫

袖濕登山剛怕僕夫辛野人獻食無佳品粗茗

濁醪意自真

開西門有述

前人

州城舊有西門曰鎮遠前守塞之予觀欽

之王氣獨在此方安京天擊十萬漁洪諸

欽州志拾遺

四

山水皆在此方未樂時羅諸鄉都皆由此

以往不宜塞故特開之因成一律以紀其

事

欽江王氣在西方道路多年阻未通門啓寧知

經國手橋成始見濟川功風煙一去連銅柱

勲業誰來繼馬公老我不堪當世用偶然此處

寄鴻踪

秋日遣興

前人

天涯薄宦忽三年能得身康即是仙無病不須



求物藥有官何必問陞遷青鳩至後海岸一山夏有青鳩

秋盡即去其味甚佳波羅熟地產波羅與外國同滴酒香

時螃蟬鮮誰道此方非樂土邇來斗米近三錢

士民云從來米價高湧邇來米價始賤近三年矣

六月四日躡荒田憇民班有積家有述二首

前人

躡荒聊憇野人家暑氣方隆日影斜獨愛竹陰

清更遠頻移坐榻訝棲鴉

野人種竹久成園十里濃陰覆舊村茅屋何曾

欽州志拾遺

一五

知五馬一年三過兩停輪

文

靈城考工記

王崇僉事

靈山庶役成部吏帥董者上圖狀麓泉于按之

費甚約數日未匝歲以為浮也乃九月癸丑朔

觀營甲寅又之大都信矣其一城宇城八百餘

丈崩而浚甃者十之一缺而葺者半之雉堞以

牖者如其全數周覆以穿宇宇六百八間城六

門其上為六樓三仍其舊樓方廣穿宇



以驍銳門焉者樓每戌夜樓棲者六處宇棲者十有八處樓者居守宇者行邏守者擊析邏者振鈴扞擷之吏可以卧考也城外爲十營置百番戍器用皆備戍者安焉先是城之高可隱也諸所懈弛邑三面距夷大盜數陵越剽官藏而奪之金且歲爲雨潦所圯百姓弊弊然苦之夫是以有今役也其二儒學遷城外西南陬去六峯門百步許四山周壘三水襟焉黌宮面南中梁冠山之雙峯其北自龍池山西北自朝天嶺

相三四十里而蜿蜒以來融結最秀其東有羅陽泗洲諸山盤紆崑鬱隆崇嶽巖其西有獨石石碌石龍諸峯如柱如幔蒼蔚造天東南有鳳凰山西有轆轤山二山崇廣左右對峙若望黌宮之門而門焉者其天設乎三水一發大龍山陽曰烏江一發羅陽大麓曰南江夾山並流環黌宮之左而經其前一發峯子嶺之陰是爲右井泉以逸出其右南入烏江會南江而西焉是爲二水口水旁有石如荀巨畝高可百丈人以



爲文筆也饗宮之制中至聖廟五室重屋四周以欄廟後爲明倫堂三室左右介深廣視廟而差殺其高左右掖以齋廡二十六楹其前爲戟門爲櫺星門爲成德達材二坊西上爲敬一亭亭前爲文明門都宮之西爲復道達於通衢臨衢爲儒學門都宮之東有衢曰水街復道之設稱水街也初學建城東北人材中落諸以爲地也謀遷之迄三十年矣而未有任者今而後士縱縱然可以興矣其三海北書院卽儒學故址

爲之爲堂爲寢爲齋若門凡三十三楹庖福咸具士茲藏脩焉其四三祠祠並南向外同爲都宮中啓聖左右名宦鄉賢可以秩禮矣其五守鎮所創宣德間歲久湮沒莽然墟矣至是爲五室堂爲三室左右幕事爲十室百戶所六扉門輪奐規緒視舊弘拓也其六廊肆長春門外有草着絕壕吭會諸路可市也乃爲肆三十二間歲官入其廬以豫城垣穿宇之有茨葺者其七學官署堂寢十舍其八捕督廳堂二德衛者直



房倍之其九旗纛廟其十林公祠皆仍舊而增其制云觀既徧麓泉子訝曰貲約則用未紆日寡則力不足宜其窳成不悅於制也而今乃巖如煇如翼如炳如有侈觀焉何也明日以問董者對曰厥既令役也匠藝纒屬日勤以物百材非不具盈也而皆自聚於力伐埴陶煨無出售爲貲以是約也民且曰大夫貴勿勞者身以先予予敢愛力矧予分也於是家饁壯以從居者役者相半爲日則寡而爲力則衆未匝歲者無

○欽州志拾遺

一八

乃是也乎曰役所以勞也而民實厭之趨之且後乃相先於茲何也董者曰靈人私曰大夫慎令不勞民凡以爲者緩予也是故爲城爲營爲學爲祠爲講院爲公署廊肆于神則以觀德風遠焉于仕則以昭庸弘訓焉于士則以畜德考行焉于民則以殖生庀家焉于賈則以豫用久業焉于戍則以控重弛憂焉寔肆惠于我百姓而山川有榮施是之不務而又焉從哉日相先者自前其所欲也麓泉子蛩然曰余宅荒撫不



若今茲艱大深自揣其民以甚已也而徵然府  
辜方慄慄爾乃今知不以爲勞且德上而多其  
令以爲庸也何以得此於不穀哉夫宣志以彊  
物導和而使不倦爾董者之謂也慮好以槩謨  
分畜以嘉業則鄉之大夫士耆艾以之予不穀  
何有是日大犒董者命部吏觴之酒而大夫士  
耆艾與焉

至欽祭城隍文

林希元 知州

元筮仕二十年夢寐不到欽州聞欽州接壤安

欽州志拾遺

九

南每遇人談安南之事有起予者故恒於欽注  
意焉茲以遼左事謫守此邦是固祿食有方又  
焉知非志至氣至

造物者之於人或將有所授邪君子身之所至必有  
以化一方之人昔蘇子瞻謫南海以氣節文章  
化其民瓊海今爲文物之邦欽江固非昔日之  
瓊海元也才不逮蘇而私竊有志焉不知異時  
之欽江能爲今日瓊海否也惟

神典司此土教化均有責焉幸以助我謹以潔



牲庸申祭告尚 饗

至欽謁先師孔子文

前人

昔

夫子生周季世慨道不行欲居九夷或曰陋夫子曰君子居之何陋之有今天下冠帶之國不問海內外罔不崇尚

夫子之教廟祀有嚴固不待夫子身居其地而已化其陋矣欽州在古亦荒服之地今固冠帶之國也而人才尚爾落莫風聲文物猶未能齒于上

欽州志拾遺

十

國下鄉邊海之民或蓬首跣足野衣火葬鄙野之甚未盡率于禮教是皆爲民牧者不能宣揚夫子之道以教此邦之民致然也某叨承

上命來守是邦茲率其父老恭謁

廟庭將與諸父老率其子弟共興教化使欽之民風土俗從茲一變聲名文物彬彬然齒于上國而才單力薄不知終能否也

夫子在天之靈其默相之謹以潔牲庸申祭告尚

饗



祭雷文

前人

惟神乃陰陽之氣搏擊而成聲所以鼓元化助  
神工致風雲沛雨澤宣鬱塞散積聚發土膏通  
泉脉生五穀而膏萬物也茲者春令既深農功  
伊始而地雷不大發聲以致雨澤不以時降土  
膏不發泉脉不通壤地焦枯田疇龜裂穀種不  
得入地元等甚懼焉爰率吏民多方禱告雲雨  
雖云輒見竟不滂沱沾洽忽焉而起忽焉而止  
是皆神秘其氣伏其機元化不鼓神工莫助鬱  
塞不宣積聚不散之所致也茲率僚屬師生吏  
民精心虔意特告于神伏望憫此下民媾合陰  
陽大發神力奮震霹靂以鼓元化以助神工以  
宣鬱塞以散積聚俾隆雲油然而行甘雨沛然  
而下遠近沾足溝渠滿盈農功可施穀種可布  
以生萬民元等不勝顛望之至

謝雨文

前人

昨者春令既深農功伊始雨澤愆期不至農民  
穀種不得入地元等重以爲憂迺沐浴齋戒謹



率僚屬師生吏民多方禱告靡誠弗謁罔敢辭  
勞幸明神鑒觀特賜甘雨始霏霽而不交迄氤  
氲而四合旣霏霽而無聲忽霽霽而下霈四郊  
霑足耒耜咸興穀種旣耰民食有賴敢曰小子  
之微庸能昭格實明神眷祐我民不終捐絕而  
必欲生之也謹以潔牲庸申祭報尚饗

